

# DIARII

I OTTOBRE MDXXI. — XXVIII FEBBRAIO MDXXII.

1

*A dì primo Octubrio 1521.*

In questa matina, essendo eri al far di la Zonta in Gran Consejo intrati Consieri a la bancha sier Zuan Miani et sier Piero Lando, et il terzo sier Andrea Trivixan el cavalier introe a dì... dil presente; Cai di XL sier Lunardo Bembo qu. sier Francesco, sier Francesco Grimani qu. sier Nicolò et sier Marin Corner qu. sier Cornelio; Savii dil Consejo introe ozi sier Hironimo Justinian procurator nuovo, et do di electi sier Alvise di Prioli et sier Lorenzo Loredan procurator zà erano intrati per avanti, perchè vacava il luogo, et sier Alvise da Molin procurator mandò a refudar; Savii a terra ferma introe sier Hironimo Querini fo di sier Piero, nuovo, et sier Francesco Morexini stato altre fiate; Savii ai ordeni sier Marin Justinian et sier Zuan Francesco Mocenigo stati altre fiate, et sier Zuan Maria Zorzi qu. sier Antonio et sier Bertuzi Gabriel di sier Francesco nuovi, et il quinto sier Jacomo Dolfin introe per avanti in loco di sier Lodovico Michiel, qual andoe Pagador in campo. *Item*, Capi dil Consejo di X sier Donado Marzello, sier Antonio Justinian dotor, et il terzo sier Lunardo Emo era indisposto, ma ozi vene nel Consejo di X.

*Di campo, fo letere di sier Andrea Gritti procurator provedador zeneral, et sier Polo Nani capitano di Bergamo, date a San Sgondo a dì 29 Septembrio, hore .. Come i nimici haveano mandato li cariazi et bagagie a Mantoa, si-*

chè erano restati a la liziera; *etiam* mandato alcune artelarie. Scriveno altre occorentie, e si tien che i ditti inimici *omnino* vogliano levarsi e passar Po.

Da poi disnar, fo Consejo di X semplice per far la Zonta di XV justa il consueto solito farsi, non è però molti anni; e feno prima Cassier per mexi 4 sier Andrea Mudazo; sopra le artellarie, sier Lunardo Emo; sopra la Zecha, sier Donado Marzelo; sopra le casse sier Batista Erizo el procurator.

*Item*, elexeno XV di Zonta, li qual sono questi. Et acciò si vedi quelli si elexe, noterò *etiam* quelli è dil Consejo di X.

*Consejo di X per questo anno 1521.*

El Serenissimo Principe domino Antonio Grimani.

*Consieri.*

Sier Piero Capelo qu. sier Zuane procurator.  
Sier Nicolò Coppo qu. sier Jacomo.  
Sier Zuan Miani qu. sier Jacomo.  
Sier Francesco Bragadin qu. sier Alvise procurator.

Sier Piero Lando qu. sier Zuane.  
Non. Sier Andrea Trivixan el cavalier, qu. sier Tomà procurator.

*Consejo di X.*

Sier Andrea Mudazo qu. sier Nicolò.  
Sier Antonio Justinian dotor.